

Tá tairseach Bhus Éireann ar oscailt d'iarratais d'iompar scoile don scoilbhliain 2023/24.

Dátaí tábhachtacha

Iarratasóirí nua: Is é an spriocdháta d'iarratais nua ná **Dé hAoine 28 Aibreán 2023.**

Measfar iarratais a dhéantar **i ndiaidh an spriocdháta seo a bheith déanach agus ní rathaítear ticéad do theaghlaigh.**

Déanfaidh Bus Éireann teagmháil go díreach trí ríomhphost le gach iarratasóir atá ann cheana, agus tá feachtas meán níos leithne ag tarlú anois.

Faisnéis do theaghlaigh maidir leis an bPróiseas Iarratais ar Iompar Scoile don Scoilbhliain 2023/24

Iarrtar ar theaghlaigh a thabhairt faoi deara gur tugadh ar aghaidh an dáta deiridh le haghaidh íocaíocht a dhéanamh/cártaí liachta a chlárú ionas gur féidir le Bus Éireann iarratais a phróiseáil, iompar a eagrú agus ticéid a eisiúint chuig teaghlaigh a luaithe is féidir don scoilbhliain 2023/24.

IARRATASÓIRÍ NUA – DÉANAIGÍ IARRATAS FAOIN 28 AIBREÁN 2023

Tá tairseach teaghlaigh Bhus Éireann ar oscailt anois le haghaidh iarratais nua ar sheirbhísí iompair scoile don scoilbhliain 2023/24. Meastar iarratais nua a bheith mar a leanas:

Daltaí a bheidh ag freastal ar rang na naíonán sóisearach sa Bhunscoil nó ar an gcéad bhliain san Iar-bhunscoil den chéad uair riamh sa bhliain 2023.

Daltaí a d'fhéadfadh seoladh baile a athrú nó a bheidh ag freastal ar scoil nua sa scoilbhliain 2023/24

Is féidir iarratais a dhéanamh trí chuairt a thabhairt ar www.buseireann.ie/schooltransport

Is é **an Aoine an 28 Aibreán 2023** an dáta deiridh ar a nglacfar le hiarratais nua. Measfar iarratais a dhéantar **i ndiaidh an spriocdháta seo a bheith déanach agus ní rathaítear ticéad do theaghlaigh.**

GACH IARRATASÓIR – ÍOCAÍOCHT A DHÉANAMH/MIONSONRAÍ CÁRTA LIACHTA A IONTRÁIL – IS É AN 9 MEITHEAMH 2023 AN DÁTA DEIRIDH

Beidh tairseach teaghlaigh Bhus Éireann ar oscailt chun glacadh le híocaíochtaí/le mionsonraí cárta liachta ón **3 Aibreán 2023 go dtí an 9 Meitheamh 2023**. Aon íocaíochtaí a dhéanfar tar éis an spriocdháta, **measfar iad a bheith déanach agus níl sé cinnte go bhfaighidh teaghlaigh suíochán ag an gcéim sin.**

Ní mór íocaíochtaí/mionsonraí cárta liachta a chur isteach lena n-aghaidh seo a leanas:

iarratasóirí nua, agus;

daltaí a rinne iarratas ar iompar scoile roimhe seo/a bhain leas as iompar scoile roimhe seo agus a dteastaíonn suíochán ar sheirbhís uathu don scoilbhliain 23/24.

Tá leanaí (atá incháilithe le haghaidh iompar scoile) a bhfuil cárta liachta bailí acu (an Scéim um Sheirbhísí Liachta Ginearálta) díolmhaithe ón muirear bliantúil a íoc. Ní mór a mionsonraí cárta liachta a chur faoi bhráid Bhus Éireann, áfach. Glacfaidh Bus Éireann le mionsonraí cárta liachta ón **3 Aibreán 2023 go dtí an 9 Meitheamh 2023**. Mionsonraí cárta liachta a gheofar tar éis spriocdháta an 9 Meitheamh, measfar iad a bheith déanach.

Moltar go mór do theaghlaigh a chinntiú go ndéanfaidh siad íocaíocht/go n-iontráilfaidh siad mionsonraí cárta liachta bhailí roimh spriocdháta an 9 Meitheamh 2023 nó ar an dáta sin.

Tá an Muirear Bliantúil le haghaidh Seirbhísí Iompair Scoile don scoilbhliain 2023/24 leagtha amach thíos:

<u>Catagóir Dalta</u>	<u>Muirear Bliantúil</u>
Bunscoil Dalta Incháilithe/Lamháltais	€50
Iar-bhunscoil Dalta Incháilithe/Lamháltais	€75
Uasmhuirear bliantúil do theaghlaigh	€125

Critéir Incháilitheachta

Is mar a leanas atá na critéir incháilitheachta le haghaidh Iompar Scoile don scoilbhliain 2023/24:

Beidh leanaí incháilithe le haghaidh iompair ar an leibhéal bunscoile i gcás go gcónaíonn siad fad nach lú ná 3.2 ciliméadar ón scoil náisiúnta is cóngaraí dóibh agus go bhfuil siad ag freastal ar an scoil sin, agus beidh leanaí incháilithe le

haghaidh iompair ar an leibhéal iar-bhunscoile i gcás go gcónaíonn siad fad nach lú ná 4.8 ciliméadar ón iar-bhunscoil/ionad oideachais is cóngaraí dóibh mar a bheidh cinnte ag an Roinn/ag Bus Éireann, agus aird á tabhairt ar éiteas agus ar theanga, agus go bhfuil siad ag freastal ar an iar-bhunscoil/ionad oideachais sin.

Leanaí atá incháilithe le haghaidh iompar scoile agus a chuireann an próiseas iarratais agus íocaíochta i gcrích in am, freastalófar orthu ar sheirbhísí iompair scoile i gcás go mbeidh seirbhísí den sórt sin i mbun oibre.

Leanaí nach bhfuil incháilithe le haghaidh iompar scoile ach a chuireann an próiseas iarratais agus íocaíochta i gcrích in am, breithneofar iad le haghaidh suíocháin spártha a d'fhéadfadh a bheith ann tar éis freastal ar leanaí incháilithe; tugtar 'suíocháin lamháltais' ar shuíocháin den sórt sin.

Mar gheall ar chineál an iompair lamháltais do leanaí neamh-incháilithe agus ar an tosaíocht d'áiteanna a sholáthar do leanaí incháilithe, is féidir go mbeidh an t-éileamh ar áiteanna lamháltais níos mó ná an soláthar. Sna cásanna sin, leithdháilfidh Bus Éireann ticéid le haghaidh suíocháin spártha trí phróiseas roghnúcháin comhaontaithe a úsáid.

De bhreis air sin, leanfar de bhearta sealadacha maolaithe don scoilbhliain 2023/24, go dtí go gcuirfear an t-athbhreithniú ar an scéim iompair scoile i gcrích. Mar thoradh air sin, soláthrófar iompar i gcás go mbeidh seirbhísí den sórt sin i mbun oibre le haghaidh daltaí iar-bhunscoile atá incháilithe le haghaidh iompar chuig an scoil is cóngaraí dóibh agus atá ag freastal ar an dara scoil is cóngaraí dóibh agus a dhéanann iarratas agus íocaíocht in am.

Daltaí ón Úcráin

Níor cheart do dhaltaí ón Úcráin a dteastaíonn iompar scoile uathu iarratas a dhéanamh trí thairseach teaghlaigh Bhus Éireann. Ina ionad sin, ba cheart dóibh cuairt a thabhairt ar gov.ie/ukraine chun mionsonraí a fháil faoi conas iarratas a dhéanamh. Tabhair faoi deara nach gcaithfidh aon daltaí ón Úcráin atá ar

iompar scoile faoi láthair athiarratas a dhéanamh don scoilbhliain 2023/24 mura bhfuil a seoladh nó a scoil athraithe acu.